



Ajuntament de Vielha e Mijaran

BASES

Bases específiques reguladores dera convocatòria entar autrejament de subvencions der Ajuntament de Vielha e Mijaran entar exercici 2013.

1.- Objècte dera convocatòria.

Er objècte dera convocatòria ei era concession d'ajuts entà subvencionar es despenes derivades dera organizacion d'actes e activitats relacionades damb er espòrt, musica, cultura, joenessa, servicis sociaus, turisme, hèstes, educacion, cooperacion e d'autres cossent damb çò que dispause er article 6 dera Ordenança Reguladora des Bases Generaus d'Autrejament de Subvencions der Ajuntament de Vielha e Mijaran (BOP num. 33 de 9 de març de 2006), que s'amien a tèrme pendent tot er exercici 2013.

2.- Regim juridic.

Seràn d'aplicacion eth Decrèt 179/1995, de 13 de junh, peth quau s'apròve eth Reglament d'Òbres, Activitats e Servicis des Ens Locaus de Catalunya; era Lei 38/2003, de 17 de noveme, Generau de Subvencions; era Ordenança Reguladora des Bases Generaus d'Autrejament de Subvencions der Ajuntament de Vielha e Mijaran mès ensús nomentada e, en tot çò non previst especificament, seràn d'aplicacion es Bases d'Execucion deth pressupòst generau der Ajuntament de Vielha e Mijaran entar exercici 2013, atau coma era normativa legau vigenta que sigue d'aplicacion.

3.- Quantitat e aplicacion pressupostària.

Es quantitats des subvencions que s'autregen enes diuèrses matèries se determinaràn en foncion dera finalitat entara quau se solliciten e anaràn a cargue des diferents partides afectades en pressupòst generau der Ajuntament de Vielha e Mijaran, en non poderàn excedir des quantitats assignades per aguest concèpte enes partides pressupostàries corresponentes.

4.- Durada.

Es activitats subvencionades s'auràn de realizar abantes deth dia 31 de deseme der an 2013 (includit).

5.- Beneficiaris

Poiràn optar as ajuts economics que regulen aquestes bases es persones fisiques que realizen era activitat qu'originèc er autrejament o que legitimize era sua concession.

Es persones juridiques e es sòns membres, que s'agen compromès a realizar era totalitat o part des activitats que fundamenten era concession dera subvencion en nòm e per compte dera persona juridica.

Es agrupacions de persones fisiques o juridiques, públiques o privades, es comunetats de bèns o quinquèvolh aute tipe d'unitat economica o de patrimòni apart que, encara que non agen personalitat juridica, poguen portar entà deuant projectes o activitats que motiven era concession dera subvencion.

Damb caràcter generau es beneficiaris auràn de residir en municipi.



Ajuntament de Vielha e Mijaran

Excepcionalment entitats e associacions sense finalitat de lucre domiciliades dehòra deth municipi, que realizen activitats esporadiques en Vielha e Mijaran, tostemp e quant reunisquen es demès condicions fixades ena present ordenança.

6.- Presentacion de sollicituds.

6.1. Eth tèrme de presentacion de sollicituds ei:

1r tèrme enquia eth dia 30 de març de 2013.

2au tèrme enquia eth dia 30 de seteme de 2013.

6.2. Es sollicituds e era rèsta de documentacion (article 11 des bases generaus) s'auràn de presentar en Registre Generau der Ajuntament de Vielha e Mijaran en orari d'oficina (de 09:00 a 14:00 ores), o per quinsevolh des mieis determinadi en article 38.4 dera LRJAP. S'aurà d'utilizar eth modèu A de sollicitud de subvencions que serà a disposicion des sollicitants en madeish Registre sense qu'en cap de cas, s'admete d'auta forma de presentacion que non sigue aquest modèu A. Es sollicituds, un còp registrades, serviràn de comprovant pes sollicitants.

7.- Autrejament de subvencions.

7.1. S'elaborarà ua prepausa d'autrejament des ajuts, cossent damb es critèris a qué hè referéncia er article 12 des bases generaus, prepausa que s'a de luear ara Junta de Govèrn Locau der Ajuntament de Vielha e Mijaran entara sua resolucion en tèrme maxim de tres (3) mesi des dera data d'acabament deth tèrme de presentacion de sollicituds. Transcorrut aquest tèrme sense que s'age notificat eth sòn autrejament, s'entenerà qu'es sollicituds an estat desestimades.

7.2. Er acòrd e era notificacion der autrejament non dan cap de dret ath pagament immediat dera subvencion, pr'amor qu'aquest se harà cossent damb era disponibilitat dera Tresaureria der Ajuntament de Vielha e Mijaran e er orde de prelacion de pagaments establít enes Bases d'execucion deth pressupòst generau der Ajuntament de Vielha e Mijaran entar exercici 2013, ath delà d'auer de complir es requisits determinadi en Capítol Setau des bases generaus.

8.- Regulacion supletòria.

En tot aquerò non previst en aquesta convocatòria de manèra exprèssa, serà d'aplicacion eth regim que conten era Ordenança generau reguladora de subvencions d'aquest Ajuntament de Vielha e Mijaran.

Diligència.- Entà hèr a constar qu'aquests bases an estat aprovades pera Junta de Govèrn Locau en session deth dia 10 de gèr de 2013.

Era Secretària,

Pilar Hervada Vidal